

寧府志卷之三十七

人物

孝義

唐

劉常建陽人父喪廬墓七年有二靈芝生廬前建中元年刺史陸長源觀察使常袞以聞詔旌其門賜粟帛名其里曰志孝

熊袞建陽人其先南昌人昭宗時為兵部尚書兼御史大夫性至孝時當亂後例無俸給惟立功

建寧府志

卷之三十七

孝義

二百三十九

万

時有賞賚袞悉散之部下父喪不能葬晝夜號泣天忽雨錢二日始畢葬事所剩錢盡舉入官其隣里僕隸得者悉化為土後人稱忠孝雨錢

公

宋

郭周字仲先建安人事母至孝熙寧間調湖州德清簿遷閩縣令嘗遊蘇軾之門聲譽藉甚居母喪哀毀篤至既葬廬墓三年郡守欲以入行薦力辭服闋以朝散郎通判興國軍子擇仁登

進士第

雷覺民字將道建安人父將得官卒其祖悲念不
已覺民期必繼父業乃杜門逾十年第進士調
漳浦尉有政聲改湖州司錄太守給軍糧不時
諸軍喧於庭覺民造喻之曰郡實空乏今以經
制錢代給汝設府公不吾聽當積月俸爲償之
諸軍感謝退知南華縣丁母憂廬墓三年嘗倅
鄉郡未老丐祠卒年九十五覺民嘗於官所買
婢隨女嫁既知爲宦家女以父死賣以舉喪覺
民惻然爲擇賢士輟女奩嫁之盜拆其妻墓亭
召盜來與之米曰君饑餓故子光遠興化理椽
光胄通判廣州

建寧府志

卷之三十一

孝義

二

二百九十八

万

張以中名禧以字行甌寧人仕至都提舉父歿計
至哀毀踰禮自以親老在堂宦遊於外生不能
爲養死不能爲葬遂不食哭死道中詔旌表其
門曰純孝

魏懋字覺民甌寧人登進士第紹興初令雩都時
江西盜起虔諸邑皆失守懋出已帑犒勵方級

誓以死守賊不能攻遁去岳飛提兵過雩都見其井邑獨免殘燬稱賞不已會聞閩寇焚其故廬畧不爲意繼聞其父瑩爲賊發掘愆號慟棄官歸得燬墓者二人親擒之梟首墓右自効於郡郡將劉寶學義之釋不問後愆又令南昌卒鄉太守魏疇誌其墓孫復中淳熙進士第任延平法曹

張禧歐寧人事母至孝里人爲立純孝坊造橋名曰順母

建寧府志

卷之二十七

孝義

三

三百六

全

黃昭武字世忠簡肅公四世孫其祖自邵武徙居甌寧昭武剛毅有謀德祐間閩潮饑饉頗仍人相殺掠昭武出粟賑其鄉人且告之曰若等當以忠孝存心勦力捍守以保身家無效彼猖獗噬臍無及衆感激出死力相守一方帖然

劉民先字聖任崇安人其先京兆人五季之亂五世祖幹避地入閩遂居崇安之五夫里熙寧初累與計偕至禮部輒不合慨然曰吾親老矣養不可缺於是屏居潭溪作一枝堂朝夕奉養惟

謹後以特奏釋褐民先謂人曰吾豈貪一命者哉顧因是可榮親耳及母暨夫人年九十果以恩封崇安縣太君弟民覺與民先始終孝養既葬廬墓罄哀鄉評尚之相謂曰非公孰爲吾黨指南子韜韞孫子羽子翼子輦曾孫琪珩皆世偉人

胡淵字澤之崇安人少聰敏能文長益務強識以親老家貧授學浙江歲終度親所預力能致者盡市歸以獻後以母有未疾遂不復遠遊卽里

建寧府志

卷之三十七

孝義

四

三十一

全

開教生徒晨夕歸省每諸生饋食有肥甘悉持歸以佐母膳母憐其誠爲之強進蔬食飲水躬自安之初同里有吳羨門者號仙州居士以六經教授淵往從之羨門閱淵所爲論語尚書終帙一無差舛遂妻以女是生安國及安國入官淵盡斥其俸以贍兄弟之子又取而教之卒游酢銘其墓後累贈光祿大夫子安國安老孫寅寧宏皆爲世大儒

胡師徐字宗武崇安人安國族屬也博文通諸經

尤長於詩登紹興十八年進士幼孤事母至孝
爲鄉閭所推朱熹亦稱其操行遭母喪廬墓三
年以祿不及親竟不仕而卒

詹復字仁仲崇安人景定中登第調豐城簿遷金
華令政尚簡易民甚宜之迎母就養母憚遠涉
復寄詩慰母解政歸里人稱其孝

楊倚字永年浦城人億弟也登進士真宗以億故
特陞甲科歷開封府工曹遭母兄之喪痛念骨
立歸棲故廬不復從官

建寧府志

卷三十七

藝文

五

五十五

五

謝譽字時中政和人朱韋齋松尉政和時以公事
行鄉落間聞田舍中有誦書聲屬耳頗異亟下
車入其舍則一少年書空方對案危坐吟誦自
若松前揖問讀何書起對曰儀禮也與語酬應
敏給使出其文字詞一不此問其姓名大喜與
歸日授以經史百家之言而勉其所未至未幾
記誦益廣文字益工松益歎重之中紹興二年
進士調泰寧主簿性耿介不與世合而居家極
孝友既得官盡以先疇奉其兄娶妻得田自隨

一巨亦舉而歸之還自泰寧慨然就閑以便養
年四十六卒松深惜之

元

楊達卿名福興以字行建安人家素饒裕宗族之
貧病者咸周之於鄉黨亦然嘗有盜踰垣入達
卿覺潛啓戶鑰使得出里人李必延將鬻其妻
償富人錢達卿代償之而完其夫婦後必延從
無賴爲羣盜圍城邑來謁達卿欲挈與俱去達
卿反覆諭以禍福必延歸言渠魁悉解去歲嘗

建寧府志

卷三十七

孝義

六

二百九十五

大饑達卿欲發廩而惡有其名乃募民樹木於
山隨其言樹多寡先給之粟既數歲木皆長茂
戒子孫無自利庸以給民居無室廬沒無葬具
及學校釋老之爲官室者郡守阮德柔因作萬
木園美之卒年七十有四以孫榮貴累贈少傅
工部尚書兼謹身殿大學士卒之日孫曾幾百
人

徐添祿字仲貴建陽人樂善好施同里鄭德華任
福建行省左丞勸之仕添祿辭以才不逮鄰有

鄭氏者嘗埋金於地後人不及知徙而他居故
廬壞溝渠壅塞每雨泛溢爲鄰家患添祿令人
通其塞啟石得白金添祿曰此鄭氏物也召而
歸之鄉人高其義後季子竒官至廣東布政使
林童字本初建陽人三歲失怙事母以孝稱與物
無忤鄉有死喪無告者卽濟棺殮之人高其義
祖浩然字養吾浦城人至元中黃華盜起政和官
軍討滅之回經浦城掠其母全氏以去時浩然
年六歲母子不通音問者二十有八年至大間

建寧府志

卷之三十七

孝義

七

三百二十八

檄爲三山書院山長將之任或告之曰母在河
南而不能名其處遂棄職辭父抵河南每聞操
南音者必就與語或曰此有趙副使故爲軍校
自軍中得婦人全氏以歸今趙死而全歸蒙古
氏挈之而西當在汝鄧間耳浩然遂回汝州抵
鴉路山不遇行八十里至牛蹄白石不遇又行
七百餘里至棗陽雀橋又不遇或指唐州以告
曰彼有別蓋山可尋討也浩然忽夢神人與言
有月缺再圓之語乃復自雀橋三百餘里至別

蓋訪其母在焉相見抱持涕泣具舟奉母南歸時七月之望也神人之言始徵一時能言士咸作詩歌詠其事比之朱壽昌會稽韓性爲作孝子傳楊載作叙以遺之

葉雋字良弼松溪人景仁子祖母施年高足疾雋與姊昇而起臥者數年父景仁討賊遇害乃傾家貲購壯丁從間道入賊境殺其渠魁擣巢穴以報父仇因得父屍歸葬有司以父子忠孝聞授進義校尉同知南豐州事雋辭不就廬於墓側遇節日輒匍伏墓門悲號久之有芝草數莖生於隧道

建寧府志

卷之三

孝義

八

二百九十五

明

鄒伯陽又名文復建安人儻博學善吟咏元末隱居不仕明初總兵胡廷瑞圍城久不下欲屠之太守翟公募耆德詣師伯陽應命往言詞慷慨廷瑞爲動曰姑聽於天封三牌鐵一銅一牙一令探之決曰得鐵屠得銅搜括金帛得牙活伯陽默禱得牙遂獲全城事詳梨嶽廟碑

楊伯安字文思建安人以孝友聞洪武初以人才薦伯安辭母老不就兄伯祥以守庾損糧罪當死伯安請於母曰兄無嗣兒有子請代母泣然其請卽詣獄被械歲餘臨決忽遇恩宥得免伯祥尋亦以薦授官

楊伯成字士美伯安兄事親孝謹尤篤友干一舉茂才再舉孝廉皆不就後以子大學士榮贈官葉彬字允均建安人父濬永樂丙戌進士知鄱陽縣公出一日暴水壞廨垣彬祖母令人撤板榜

建寧府志

卷之三十七

孝義

九

三百十五

以蔽讎家發其事法當論死彬母欲以身代彬時年十歲卽自詣官首實得收贖後都察院疑其獄逮問拷掠一詞竟得宥免彬後歷六安虞城二學教諭

魏宗欽建安人自幼讀書恒以古人自期父康爲斗役虧糧法當論死宗欽毅然別妻子詣官請代父罪繫獄歲餘將論決遇恩宥得免

楊讓字允謙建安人太師榮仲子居家孝友敦睦歲散粟以周貧族又購田二頃以給族里嫁娶

喪葬不能爲禮者沙尤寇劫掠鄉村民居悉燬
過讓廬相戒勿犯所著有澹菴集

蘇鏞字良璇號守愚建安人鑑之弟好學善楷書
克敦孝友居家不爲侈靡不作佛事雖鄉人亦
多效之正統間盜起高陽里有司擇信行素乎
者往招撫之鏞被薦以行賊遂順聽歲鄉飲必
禮鏞爲大賓年七十終

李埜字士林建安人正統間沙尤盜起民潰匿山
中惡少爭謀搶掠埜諭以憲典且曰若輩求粟

建寧府志

卷之三十七

孝義

十

三百

万

何必走死地指困授之疾革囑諸子弟焚通券
毋作佛事侍郎崔銑爲撰墓表子梅克世其德
孫默官至吏部尚書

鄒漢字雲卿建安人郡庠生事父母孝愛讓產與
弟自授生徒每夏秋間修合痢疾丸藥施之療
人病歲暮有被債者欲投井死力救止之代償
其負

陳敬字九成建安人精岐黃術雅重公卿間事母
李至孝母疾稽顙北辰求代已而母以天年終

送殯皆如禮士大夫好禮者趨法之

林釗字世用建安人早歲喪父力藝以供母母有足疾釗負出入無倦平日又好施甘鬻田產以賑貧乏壽百歲萬曆撫按勞堪龔一清疏請詔賜絹帛

陳鈞字熙載建安人歲貢爲曲江訓導因母疾精醫畱心濟人貧病來者施以藥餌兼資米粥有以急告輒脫衣贖之出見筍魚籠烏必市而縱之在曲江加意訓士捐俸資貧二年謝歸子漢

建寧府志

卷之三十七

孝義

十一

三百十九

万

陳漢字章甫建安人父年八十餘定省不懈父行執杖隨之父好施樂助濟人後以歲貢投建德訓導縣尹欲剋鼓樓諸生慮妨學官漢力引諸生止之尹不從慨然曰吾父老矣遂棄歸

朱柱石字美初建安人母金氏以哭夫喪明柱石禱於天忽遇異人授七藥母目復明性樂施見人患急多捐已財賙之每天暑施好茗以解人渴歷三十餘年不廢崇禎丙子大歉柱石捐資煮糜食饑者邑賴不殍卒年八十三按院李嗣

京爲旌其廬曰天爵有餘疏題贈壽官

倪應元字泰初建安人郡諸生事父母以孝聞

學蔡國珍召講學五經書院遭喪值火盡棄其

扶柩出走露宿守之

劉楫字汝濟建安人嘉靖丙辰饑捐粟賑濟郡守

扁其尚義歲丁巳邊儲匱急奉詔輸粟萬石都

御史上之授指揮僉事三請鄉飲堅辭不赴

李培字汝耘默之子建安人隆慶息貢事繼母曲

得其歡心撫孤侄若已出親朋不能葬者捐資

建寧府志

卷之三十七

孝義

十一

二百九十五

以助鄉里重之

張竣字儼竹建安人萬曆丁巳歲貢性純孝父病

失明竣晨興以舌舐其目踰二年復明事母范

氏年九十三歲敬養如一日

謝勲字汝賢建安人蚤年喪父有流寇突入其家

家人盡走勲念孀母在堂挺身捍禦身被重傷

母賴不死又推業以讓兄萬曆間郡守許天贈

旌其門

徐崑建安人壯年失偶誓不再娶與友黃濡善濡

遺崑百金濡死崑念其子貧以原金還之郡守
朱汝器賜扁給冠帶

謝良建安人慕義好施捐金重建先祠又買義山
施棺埋骼賙族賑窮還劉挺妻歸李冲妻人服
其高誼

楊組字公佩建安人縣歲貢歷台州教授擢潯州
推官尋致仕性醇行樸事繼母畜異弟以孝友
聞歷宦蕭然好行其德

滕元烈建安人邑廩生嗜學篤行見義必爲祖遺

建寧府志

卷之三十七

孝義

五

二

公銀爲姪竊去陰爲補償事聞督學徐卽登獎
異之

裴崇字汝高建安人幼喪父事祖母繼母以孝稱
憫俗火葬施棺捨地每歲歉發穀平糶鄉人賴
之

張貞度字惕生建安人從學莆中朱吉林後朱卒
貞度爲扶襯以歸朱故貧家有六喪未葬貞度
哀之爲葬六喪而後回明末由拔貢選廣東雷
州府通判以親老力辭不赴子寅恭登進士

陳榮字希仁甌寧人少失怙事母孝謹備甘旨之
奉母目盲榮左右扶持不少離每夕稽顙北辰
祈母目復明或告以舌舐之凡十年母目竟明
永樂丙申建城大水榮二子俱暑漂流抵福之
螺州遇潮衝達岸得不死隣火及其廬輒反風
而滅人以為孝感所致

童文貞字景祥甌寧人樂善好施永樂戊戌鄉人
陳銅謀不軌詔發兵剿之時總戎欲屠其境文
貞挺身赴軍所力陳善惡乞特捕元兇免害良

建寧府志

卷之三十七

孝義

十四

三百〇七

民願以家口為質總戎感動遂允其請鄉里賴
以全活所著有玉溪集

徐淹字世達一字希范甌寧人友人方帖遠遊適
有母喪淹出貲殯之訓導海豐學宮頽壞捐俸
修治

劉鏜字世傑號靜菴甌寧人屏山裔孫蚤歲失母
哀毀骨立事父孝養備至與異母弟鏞友愛彌
篤父所遺虛產鏜獨任之不以累鏞鏞竟學成
為淞江烏程教諭里人陳順德厄於火以金玉

一笥奔寄蘇氏已而火迫倉皇轉鑿家後遂忘所寄鑿出還之稱爲有德君子云

滕通字元泰甌寧人父康性嚴毅通承事無違禮母劉不逮養每言及輒流涕事繼母如所生弟主早卒以子禮嗣之分以已產年五十一卒子祐登進士爲監察御史

謝言字正善甌寧人婺源令謝實泰孫也結廬梅陽巨富積德正統間荒發穀數萬賑饑有司上聞賜勅褒嘉勞以羊酒旌其坊曰尚義

建寧府志

卷之三十七

孝義

十五

三百一

范澄字本清甌寧人弘治間由貢入太學每謂讀書當真知實踐徒工文詞無益也少喪父事母楊甚孝母歿踰禫猶不食肉里人有負富室租將鬻妻澄聞出粟代償以子嵩貴贈中憲大夫廣東按察司副使

陳調字文郁甌寧人性醇謹與僧廣且善僧寄金百兩調謹鑰之經十年僧病將死携原金以還卒年九十三

張鳳鳴字子瑞甌寧人邑諸生蚤孤泣血骨立事

母孝母病不起絕酒葷禱以身代憂瘁不已日
為眩昏者數歲一日有醫鍼之恍惚中若有與
之瞳子者遂視如初人謂孝感

周鶴齡字壽夫甌寧人天性至孝母病以油綿繞
指燃祝指半盡母愈猶不令母知恐傷母心萬
曆間有司以孝旌

任和字君德甌寧人父佐常熟沒於官和髫齒扶
櫬歸家貧菽水事母弟嗣他支以腴田為報讓
不受

建寧府志

卷之三十七

孝義

十六

二百九十一

叔

楊申字熙臣甌寧人父蚤喪事孀母承懽兄歿遺
孤女申撫育擇配若已出平生孝義府縣扁旌
黃懋誠字仲明甌寧學諸生值歲歉設粥平糶郡
大水復散金粟賑如前一日讀范文正公義田
記喟然曰范公不但忠於國亦自仁於家誠不
敏不能如公仁願割已產之半立義莊於是設
義學施義棺立義塚賑貧卹孤皆出於義莊崇
禎五年奉旨旌其門十年提學吳之屏准祀鄉

賢

丘珍號逸泉甌寧人其先建陽東田人宋儒子
後裔性仁孝事寡母楊氏能備色養萬曆三十
七年郡大水珍設粥賑衆淹死者爲出錢殮之
當道表其義曰有德有行享年九十七子機標
年各七十餘孫烈年亦五十餘一堂垂白古萬
石君不能過也邑令蔣芬爲作老人行贈之其
詞曰君不見仁壽年生於伯龍大業之末說不
窮又不見宋卿一百九十五尚有鷄窠出頭祖
人生取筭隨絀盈勸君試讀黃庭經抱珠懷玉
那有公孫子東閣先推轅固年

陳坊字鍾溪甌寧人孝子榮裔孫天性正直人不
得干以私鄉里不平者正色責之人服其公而
頓改萬曆三十七年郡大水父柩在家爲懸其
柩於梁上水大至抱柩不忍去與水出沒者連
晝夜友愛慷慨族親戚賴其力宗伯朱繼祚聞

府余大成皆詩以贈之

李懋治字克修甌寧人萬曆二十五年鄉薦醇謹重名節事兩繼母盡孝

滕仲篋甌寧人貢士事祖母葉氏色養備至後葉年登百歲

胡本字貫通號鞠莊建陽人性最孝父喪啜粥茹蔬廬墓三年鄉里稱之年四十五卒知府芮麟題其墓曰孝子胡鞠莊先生之墓

劉天熙建陽人生平尚義劉氏族衍多貧熙勸義田贍之有舟子亡人寄金為寄者所窮欲赴水熙為代還族有貧而鬻妻熙如券還貸者卒完聚以孝稱為劉義士

朱洵字宗信建陽人文公八世孫正統間歲饑賑粟數百石有司旌之捐貲重建武彝精舍置唐石墓田刊文公年譜修葺考亭書院一日舟泊漳灘下後舟遭溺亟令救之其人行李漂盡洵解衣衣之又助以資斧時未知其姓名後始知為于忠肅也

葉儒字敬善建陽人涉獵書史兼善繪菊縉紳士大夫皆樂與游永樂甲午歲歉作粥濟饑全活甚衆人稱長者

趙泰字世亨建陽人弘治間邑令張公津叔鄉賢祠祀先儒劉文簡諸公泰輸田以助歲祀歲大稔作糜食饑者全活甚衆油源三陂堤壞泰完築之又瀦水以救旱凡山谿險隘間多建橋亭甃石道以便行旅

袁紱字行甫建陽人事親孝妻歿不再娶尤喜周急先後焚子錢家券千餘緡及晚年行善益力趙觀本建陽人夙有道行父疾艱於步扶持二十餘年弟爲人後分已產與之旣蕩盡又厚恤之邑有饑病幼孤者與以粟藥郡邑爭高其行

袁天爵字子修紱之孫父三繼室各有子爵謹事之妻死鰥守終身有貧將鬻妻者婦孕而下堂其夫不忍也爵乃捐貲代贖續舉一子

李廷輔性至孝居建陽水南父歿未葬萬曆三十七年洪水暴至平地水高一丈水南地濱大溪

勢尤汹涌廷輔度父棺不可徙遂以布纏其棺
梁上自上據之與水相出沒凡二晝夜水退棺
竟獲全縣令董公暹上其事於巡按許學道岳
爲旌其門

徐世俊建陽人母患血崩三載不瘳後晨夕侍奉
未嘗離側母病劇剗胸肉糜藥以進母病卒不
救俊竭力營喪事棺衾之具不以累兄可謂能
竭其力者矣

黃賓字朝用崇安人由縣學生貢入國子監歸省

建寧府志

卷之三十七

孝義

二十

二百八十一

親道聞父喪乃徒跣奔歸蔬食水飲廬墓終其
身

楊玉崇安人嘉靖十九年歲饑散穀行賑次年饑
又賑如前三十四年又饑於六十以上者賑穀
伍斗餘者三斗凡三發賑共散穀四千餘石

暨日華崇安諸生家火父檢所藏於樓上火迫樓
華時年十九從火躍入負父出父老雅好琴華
卽學琴以娛之授徒所得必奉諸親人以爲能
養父志

熊之璋崇安人宋儒勿軒先生後十歲喪母哀毀如成人事父四十餘年始終盡孝道父歿哀毀踰禮遭隣家火璋抱棺號哭風爲之返臺使者李嗣京旌其廬

應欽字汝莊崇安人性純孝事二繼母盡道嘉靖間出粟買棺施貧人子孫能世其德郡侯顏其門曰奕世淳良

楊遜崇安人業縫衣萬曆四十一年水暴至遜負母登山妻子俱溺死

建寧府志

卷之三十七

孝義

三十一

二百九十八

衍

丘述樂崇安人萬曆間大水母柩停山麓樂抱柩隨水漂轉至建陽水退扶柩歸鄉里人感其孝爲歛金錢助葬焉

冷廉字冰操崇安人崇禎十四年貢士師事闕孟賢執弟子禮甚愨賢全家疫死僅遺孤兩歲廉躬爲撫養後數年其孤又死廉爲詩哭之有曰一夕酸風玉樹摧根芟零落失滋培眼看血孕終黃土招得歸魂抵夜臺封耳納棺誰氏節炙鷄醮酒幾人來雙墳壘壘無窮恨楓葉蘆花漫

作增人以古人稱之

張添保字永安浦城人性至孝好義恤貧嘗痛其父蚤世言及輒流涕哽塞事母尤謹母患癰爲吮血及卒殯殮葬祭一準諸禮長子善登永樂辛丑進士任廣東道監察御史

蘇森字公懋浦城人事親至孝父疾篤刲股爲糜以進尋瘥尤精於醫或以疾告輒施以劑凡學宮傾頽橋梁圯壞卽捐貲葺之景泰中輸粟五百石以賑饑朝廷旌獎

建寧府志

卷之三十七

孝義

三十三

三百十五

併

徐彪字弘傑別號隱齋浦城人僉憲善安公五世孫也幼失恃父以之出繼二房其繼業數千金槩辭歸織悉勿取父嬰喘疾親調藥餌食必先嘗垂三十年面雖承顏退則含淚夜分焚香籲天願以身代不敢安居燕息父喪哀毀骨立殮葬如禮廬墓三載枕苫茹素無間寒暑歸以木刻二像每食必獻遇事必詢若生事之年近九旬猶扶筇登墓潸然流涕蓋終身永慕云

吳昂字必軒浦城人性端方渾樸家居務醇謹事

親以孝聞父背患癱百計攻治寢食俱廢醫誠
曰人指甲毒毋使侵膚乃以口吮膿血者月餘
父藉以痊里中失火相距僅二十舍母病驚悸
昂負母遠避火將及其屋遂熄人咸謂孝感所
致

周思字子睿浦城人先世周原慶爲本邑令民甚
德之遂居焉思耽山水嗜吟咏養親溫清備至
事繼母純孝嘗遠遊聞親病卽奔歸侍藥衣不
解帶者十月額天願以身代割股糜藥以進病
見峯如見親也著見峰三集

建寧府志
卷之三十七
孝義
二十一
二百九十四
輒起及卒葬龜峯晨夕呼號自名爲見峯子以
王存浦城人年十四割股以愈母疾嘗客福州晨
出得遺金百兩俟其人盡以歸之享年九十五
而終

徐瑀浦城人輕財好施有李吳二姓者負債將鬻
妻瑀取券如數代償之復厚賜遣去孫民式開
府南都會孫庚亦舉鄉薦

孫椿字永齡浦城人事父母至孝嘗割股以已母

病父失明椿負出八八十餘年一夕里中火傳
負父僵仆於地風爲之返竟生父於烈焰中
張其思字得吾浦城人師事鄭應莘應莘廷試京
師家口悉思贍給及莘死燕臺思不憚萬里爲
扶櫬歸

戴冠字章甫浦城人母病渴嗜甘泉躬汲數里外
冬泉溫則備梨汁啖之後三年病革父後娶繼
母繼母又病冠懼貽父憂遍求名醫遇異人授
以綠橘一枚持歸奉母食之立愈母感其至誠
愛逾已出

建寧府志

卷之三十七

孝義

二十四

三百六

行

葉惟周松溪人少孤竭力事母母多病躬究醫書
一日母自外家遭疫還其家死者六七人惟周
在側頃刻不離疫不能染母病亦愈及母終哀
毀骨立喪葬一循家禮鄉人稱之

陳閻字思敏松溪人當坑賊攻縣負母逃山林得
免及母終廬墓三年朝夕哭奠聞者哀之

夏福松溪人隆慶間戍福州衛父病篤思見福遣
人通之福聞痛絕禱天割雙肱肉持歸父病瘳

事聞兩院給扁旌之曰割肱之孝

魏文楷松溪人邑諸生性孝謹嚴冬母病篤思道
實楷嘗讀書妙峰山憶山中蓮池其泉獨暖蓮
多後稿走覓果得一莖持歸啖母母病遂蘇伯
父乏嗣族衆爭繼訟於官郡守龔公判楷應繼
有田六十畝楷不受願以半祀伯父以半讓季
父之貧者事聞提學獎勵書其事於學宮以風
士類

葉大成松溪人孀母嚴氏病延三載日夕侍湯藥

建寧府志

卷之三十七

孝義

三十五

三百

目

求醫禱神一夜夢一老人曰南門外觀音堂前
有一草葉如線取服即愈次早試取草味甘持
歸搗汁和藥進服後果愈年至八十終喪葬如
禮

葉新魁松溪人五歲喪母祖母鄭氏撫養成成人鄭
病篤魁侍奉不離左右求醫無効願天割股和
藥始愈魁妻死誓不再娶鰥守終身

黃澹字得冲松溪人少失父一日母哭父領開不
闔澹禱於湛盧夢神授以爐及歸母日夜

兒嗽我藥今能開闔矣娶謝氏生一子妻卒終
不再娶壬戌倭襲縣詹率子弟數百人禦之後
以明經授泉州訓晚從李見羅先生遊學益進
年八十四終

黃心友松溪人時令下赦殊死囚心友有父仇亦
在赦內有司堂破械乃袖斧往俟破械斃之悞
中其肩署縣事李如梅以忤旨解憲司憲司判
云當堂一斧無異博波一椎是深于讀復仇論
者也可勿問戒囚遠逃以避之

建寧府志

卷三十七

孝義

三十一

三十一

俞應字則亮政和人私淑文公之學性凝重寡言
笑動必以禮事繼母與處繼母弟以孝友稱凡
飲食衣服必先其弟洪武初以明經司訓本邑
遷留守知事後執父喪恪遵典禮

陳廷梓政和人邑諸生父蚤喪事母以孝飲食湯
藥必躬嘗之母卒刻木爲像事之人謂有丁蘭
之風

王聰字士聰政和人成化歲饑米價騰貴宿積者
皆乘時射利聰獨發粟以賑不取其償

扶櫬歸葬哀毀骨立事繼母尤盡子職好賑
貧不能葬者悉賻助之縣令王京旌其慈祥
者

葉時登壽寧人孝友敦睦鄉閭化之有子十人各
以文行稱年九十卒御史樊獻科爲誌善行於
墓

許大環字雙橋壽寧人父早逝母張氏孀居環力
農供母甘旨未嘗闕母年八十四環年六十六
和顏悅色一如嬰兒人以為有老萊子風

建寧府志

卷之三十七

孝義

二十六

二百九十一

國朝

鄭國佐字振華建安人幼失怙依伯兄國卿事母
黃氏曲盡孝道母嘗病劇燃臂香哀叩北辰病
隨以瘳事伯兄友愛甚篤家庭之常循循敦禮
節不衣冠不敢以見家長者喜讀書見書所載
忠孝事津津道以淑家人子重時齒穉卽解大
人意授孝經必拜而後讀母徐氏課學尤嚴雖
祖母黃極愛其孫不以含飴之故廢慈教黃後
享年八十三順治四年秋七月王祁據郡城茶

苦百姓國佐挈眷避西鄉以母病無所得藥
入城就醫迺徐氏使侍湯藥母以天年終僅得
出喪槥而

王師之戡亂者已臨城下矣賊思突圍冀僥倖國
佐憂之語徐曰賊欲突圍必焚城城焚則玉石
無所分我家世孝義今以母故陷圍中此天數
也子爲母死孝婦爲夫死義綱常大節我兩人
者全之可以視之如歸矣遂作血書真墻隙舉
火自焚子重自鄉亟來省詣故址瞻墻隙有異

建寧府志

卷之三

三十一

得血書媿媿皆忠孝慟哭曰我父母居恒名節
相勗勵今果然乘哀哉重後中順治戊戌科進
士卽今少司寇弟默萊州府維縣令重晉秩光
祿大夫贈國佐如其官母徐氏贈一品夫人
方鳴鶯建安人字冲漢府學增生年五十始生一
子族弟以讎故悞死其兒群詣鶯前請死罪鶯
自恨曰嗟乎此鶯薄德不足有其兒族弟豈殺
吾兒者哉竟釋之後娶妾舉兩子長域敷康熙
丙午舉於鄉鶯性孝友篤學力行爲塾師極善

啟發年七十教學猶不倦雖甚貧不苟取一介
聯峻字兩華建安歲貢生性至孝事母曾氏承歡
無所迂居孔道兵猝至峻負母逃溪山宅毀傷
不顧曰吾得母無恙足矣叔早逝遺一女峻視
若同懷竭其產奩之而一無所私祖居七里地
憂旱峻出財倡衆修垣堰疏泉源穀歲以稔里
有貧而稱貸者悉出券焚之建安學久燬峻爲
白當事糾同志竭力經營學落成好鼓琴賦詩
及作古文辭旁通象緯地理岐黃書又好獎士
舉鄉飲不赴尋卒

建寧府志

卷之三十七

孝義

三十

類家有館曰天遊延名師教子弟親友來學者
飲食敦勉之子弟多賢肖同學亦皆成名去先
是耿藩叛迫之仕遠遁破家不爲屈年八十屢
黃學朱甌寧人府學庠生父早卒弟允芳生數月
臨沒囑曰好視汝弟學朱跪奉命稍長延師教
之寓巖於愛怡怡也陳賊掠其鄉一家被擄朱
于營語曰須放弟去變業贖吾母弟不解意曰
哥當去兄弟相爭者久之賊卒放其弟而拘

朱學朱死賊營後母歸允芳丙午舉于鄉通志
余紫余華甌寧人兄弟至孝母徐氏暮年病篤紫
判股以進華卧屋脊上燃香三炷於腹額天救
母母病果愈越三年卒華慟哭懊恨曰當日何
不多燃數炷母年尙可永也

葉正鑑建陽茶壩人族葉葉先鋒素爲劇賊窺正
鑑之嫂美欲強娶之先殺其父兄先鋒招安來
郡城孝子踪跡殺之未便也會漢壽亭侯誕辰
正鑑密祝曰公爲明神我爲孤子神如相予助

建寧府志

卷之三十七

孝義

三十一

三百二十

五

我一指力頃之先鋒至看劇叢人中正鑑亟以
屠刀直入刺之大呼曰吾今有以報吾父矣腸
胃迸裂血殷流地衆愕然擁見知府高攀龍高
公訊其實義之釋不問

徐世俊建陽人性孝友事母極孝溫清定省朝夕
不替母病篤家貧無以爲養割股奉親夜焚香
祝天願減已算以增母壽母病尋愈地方僉呈
到縣知縣吳良誨爲具文呈獎

丘性崇安人丘述聖之孫年十六述聖爲賊掠性

給賊曰祖老且病性請以身質營中俟祖歸贖我賊然之隨日祖曰行矣祖去遠性竟赴水死暨警盤崇安人性至孝母年八十九警盤年亦六十六兵至母老不能動盤跪爲母乞免母老獲全而盤遂遇害

江梅一梅三梅四梅五兄弟者崇安人順治甲午土賊桓夢龍肆掠江罵曰今日招兵明日打糧自數年來崇之西鄉爲汝害久矣兄弟抽刀殺賊數十人大呼曰不爲良民作賊者視此賊衆怒併四兄弟圍殺之邑人嘆其義勇

江日采松溪縣諸生順治初驟傳王師至父兆恒遽出城南日采奉祖母携妻子從之趨西北嶺師已集郊外兆恒爲遊騎所殺日采趨至抱屍慟不已既而後隊至叱其去哭如故復至復叱之已而師大至遂被害

江賦字郭筆松邑諸生家貧事母孝母嗜魚冬月輒往溪邊取魚供母母病禱天剖股療之母沒後居退谷嘗曰傷哉貧也但恨不早種蔬打杏

夫耕婦饁以長養老親耳

葉盛字德盛松溪人與兄茂俱以奉檄監坑冶自
邑徙居遂應場下塘橋巨寇黃華誘茂盛至將
殺之茂度不兩全麾盛速去吾已子若未娶存
祀撫孤可也盛招與同去者三華追至茂直前
擲華曰汝大小止殺一人耳遂遇害盛以木主
置枕席間後在外教授三載一日告弟子以故
俾助薪芻夜潛抵華舍焚滅殆盡葬茂寶珠山
下至今稱義墓云門人私謚烈齋有烈齋先生

建寧府志

卷之三十七

孝義

三十三

一百九十

子

祠

建寧府志卷之三十七

終

